


盤龍山紀要



中

盤龍

山

趙藩題檢



龍山紀要四

大綱

請及錄

附錄我法

九那星

盤龍山紀要序

晉寧方臞仙嘗謂我以其鄉盤龍山之勝且謂乃翁農  
髯先生纂有盤龍山紀要四卷藏於家暇當約我往遊  
而出是書索序余欣然諾之矣既而臞仙先郵是書來  
訂遊期以八月之望會余將于役編南不能無慨於負  
嘉招恧山靈也則急披是書讀之竟身雖未至不啻已  
與臞仙攬笠草鞋尋壑經邱徧探幽勝歎書之能移余  
情也以余觀吾滇志山之書其佳者釋大錯之志雞足  
黃涵齋之志班山而農髯先生是編乃可起而與之騁  
斯豈不媿哉抑盤龍之勝以元代蓮峰禪師道場而名  
盤龍山紀要序

蓮峰又吾邑人也敬梓參學心嚮往之終當一踐臞仙  
之約而綴墨書首以爲券時戊午七月劍川趙藩石禪  
譔



清故文學農髯方府君墓表

民國七年秋余將有嶺海之役晉寧方子樹梅書來乞爲厥考農髯府君表墓辭質而意誠不敢以倥偬謝也按狀府君諱秉孝字行先晚而自號農髯先世河南方氏宋南渡後遞遷於蜀明初有以軍官隨沐黔國定滇者居晉寧之鷓鴣廠始注籍爲晉寧人十五傳而至諱湄者是爲府君之父仍世潛德讀書力田湄生三子長秉忠次卽府君府君少好學年二十補博士弟子員會滇亂室毀家破奉親轉徙十數年中艱苦摺拄敬養無缺先後終二親喪盡哀盡禮月一省墓綿歷歲年

盤龍山紀要

墓表

三

每誦蓼莪之詩至老猶涕下霑襟也兄無子豪於飲府君曲意奉之惟恐不當歿而以長子嗣之滇亂旣平結廬治田朝出耕夜歸讀書遂謝進取平生不悅制藝而於音詰掌故極所研索授經於鄉塾不計脩脯士有二藝之長獎掖如不及勸人爲善不翹過不爭意氣而遇不平事又慷慨持其平過亦置之里中建東寧巷族中建祖祠皆府君提倡觀成不自矜詡每春秋佳日大布之衣樓笠草鞋攜子提孫遊盤龍諸山摩挲碑碣鈔之油素以爲一邑之名勝與一邑之文化有關也雅能杯酒酒酣而往或至屋外溪濱科頭緩步抗聲歌古人詩

亦時請不減義皇上人未精之役六十猶親暇卽手  
編不釋箸錄有讀詩有義二卷盤龍山紀要四卷唐宋  
詩精華十卷丹鉛點勘所夕無倦中間諷以休養笑曰  
吾讀來世書也中間每舉以爲諸子勗云府君生於道  
光乙未年六月十日其母於光緒甲午年九月十五日  
享年六十是年即葬曰沙村後之山原元配吳孺人繼  
配葉孺人子男六樹德樹本樹毅樹梅樹猷樹功女子  
一適蘇壽孫十二義民軒民堯民舜民覺民懷民天民  
壽民用民治民裕民新民曾孫三綱維

盤龍山紀要 墓表

求一節獨行之士夏夏乎難之以余觀樹梅兄弟爲士  
爲農孝友直樸皆秉府君教不隨時爲轉移而亦動與  
時迥雖然通何病病不如府君耳想像府君之風卽鹿  
門栗里去之何遠可以詒謀可風世願安得世盡有  
若人哉謹奮筆而表之時則距府君之葬已三十有四年矣  
劉川趙藩撰表

盤龍山紀要卷一  
墓表

盤龍山紀要卷一



古滇池方乘孝行先輯

蓮峰禪師事蹟

覺照劍川段氏祝髮徧歷諸山至正七年遊晉寧東山見龍潭可建寺咒龍遷徙龍去水涸遂建盤龍寺因名盤龍僧年六年遊黑鹽井時有毒龍興水溢鹽井損民居書鐵符沉水害息遂建蓮峰菴居之因自號蓮峰禪師十八年歸盤龍寺忽一日沐浴呼寺僧祖源書偈云三界與三途何佛祖不遊不破則便有能破則便無老僧有吞吐不下門人不肯用心修投筆而化門人塔全

盤龍山紀要 卷一

身於寺中其先遊寧州時有虎噬人灑淨限以辟虎次日虎去遊昆明時圓通洞有蛟爲害建寺鎮之蛟去水涸名潮音洞遊黑井時募鹽於井民厭之不與以孟滬井瀆而去時有童子見一黑牛尾其後及嘗滬味淡如水眾驚懼追而哀懇之傾滬如初井人因繪僧於菴後石巖中師以八月十七日生至今中秋滇人禮之

稿

至正十五年梁王宮中有怪左右啟王曰盤龍有僧蓮峰能驅邪王禮請至行符法怪息禮謝留宮中至夜問曰今中原紛亂後事若何僧曰二十年後國亡矣至期

大明兵南下阮元聲南

詔野史

晉書曰二十五年

蓮峰禪師名崇照劍川段氏子祝髮受具徧歷諸方了

達祖乘至正間卓錫開靈照山道場後遊晉寧東山建

盤龍寺居焉一日沐浴書偈擲筆而逝僧徒塔全身於

盤龍有遺像於靈照師以八月十七日生至今中秋滇

人禮之語云三照一圓通證果在盤龍謂安寧有覺照

寺昆陽有普照寺新興有靈照寺晉寧有盤龍寺也江徵

府志

永曆帝勅

奉天承運皇帝誥曰朕惟王者之道始於正心佛氏之

盤龍山紀要卷一

二

宗終乎見性故此云定慧彼則摩提慈悲卽是好生清

淨無非寡欲理則函蓋功可津梁爾盤龍山崇炤脫落

聲塵會通覺海三玄正句得理忘言五分法身全體備

用遂以道力普攝情瀾伏虎於寧陽華林式晏制龍於

黑井寶藏無窮總之妙諦因心所以計功轉物四恩悉

報三昧無聲旣持福利之航應現莊嚴之果特封爲大

慧禪師錫之勅命於戲空劫以還曾無名號真如不動

寧有去來取諸筏喻之文續厥燈傳之緒特勅

大明永曆十二年五月將軍劉崇貴知州謝禎全立

山名

盤龍山 雲南府志在州東五里萬松山之石州志在州東四里上有龍湫蓮峰禪師咒龍龍徙於東岸遂建塔其上規模宏麗為迤東名勝徐霞客遊記蓮峰名崇崇元隆正間以八月十八日涅槃至今以此日為盤龍會云相盤龍禪師碑云龍湫在東蓮峰在石州東通志州志均載師八月十七日生霞客遊記作八月十八日涅槃是日為盤龍會云云余自幼所記物七月十八為開山門日八月十八為閉山門日所謂開閉山門者即開閉會期也其中惟八月朔日遠近朝山者雲集下榻各刹幾無隙地云

盤龍山紀要

卷一

三

萬松山 雲南府志在州東五里松陰茂密盤曲無間州治倚之舊雲南通志一名盤龍山元時建寺題其額曰萬松古刹方輿紀要滇繫在今州東五里山多松樹形如龍盤故又名盤龍山

按萬松之於盤龍猶華亭之於太華名雖二山其實則一也故舊通志方輿紀要滇繫均載萬松山一名盤龍山云

名勝

蓮谷 在寶華

蘭谷 在日照

松澗 在呂

楸林 在紫金

竹院 在玉皇

桂亭 在寶

龍湫寺在盤龍右

魚沼寺在盤龍

玩鶴軒在萬松寺

咒龍台在祖師殿下

月牙池在元宮

日照峰盤龍山頂

景致

盤龍夕照 龍山西向晚景尤佳其祭文濟有高枝雀踏

夕陽動古寺僧歸暮色微句可畫也

萬松夜月 寺以山名山以松顯有松而月夜最佳

雪廬云當中秋月明攜鐵笛一樓頭三弄恨不疑明月

吹墮雪老吟魂至今呼之欲出

古植物

元梅 在盤龍寺前殿東旁

盤龍山紀要 卷一

元杉 在盤龍寺後西南隅

元茶 在藥師殿

諸刹原始

萬松寺 唐時建元至正七年蓮峰禪師遊晉寧東山

即卓錫此寺寺舊有瓦柱礎以碎瓦攢成潤則古

正皇雨

盤龍寺 元至正七年蓮峰禪師咒龍龍徒與同志無

文等七人建按寺原名盤龍庵明洪武間左布政

使渭北張統更名具足禪院即今所稱大雄殿

藥師殿 元至正十年蓮峰禪師建今階下山茶二株

相傳卽師所手植也

羅漢寺 元至正十二年蓮峰禪師建一名觀音寺

祖師殿 元至正十八年蓮峰禪師圓寂後門人祖源

建

玉皇閣 明嘉靖間培庵段永盛東園洪永誠同建郡

太守鮑公助工匠二百餘人

元和宮 明嘉靖間郡人段經宰沔池縣致仕歸建

接引佛殿 明萬曆丁亥郡太守李公偕郡人趙國泰

唐堯官及僧道成建

華嚴閣 明崇禎初建原建閣三層因道光十三年地

盤龍山紀要

卷一

五

震傾圮二十三年重修

寶華庵 明萬曆間州紳劉漢東建

三祖禪院 明萬曆間僧圓富建

復陽庵 明崇禎初黃冠袁道翁建

睡佛殿 呂祖亭 伽藍殿 紫金臺 斗母閣 上五

刹均建始於明代因無碑碣可考故附注於後

諸刹碑記

具足禪院記 雲南左布政使渭北張統記 洪武癸

酉

重修盤龍寺記 雲南左布政使京口王豫撰 正統

十一年

盤龍寺新建兩廊碑記 鄉進士知蜀長寧縣事孫馨

撰 嘉靖十三年

新建玉皇閣碑記 四川石泉縣儒學教諭郡人張潔

撰 嘉靖二十二年

三祖禪院碑記 貴州提刑按察司郡人黃明良撰

萬曆六年

新建寶華庵記 郡人蘇九河撰 天啟二年

重建元和宮碑記 廣西荔波縣知縣郡人徐日明撰

康熙二十二年

盤龍山紀要 卷一

六

重建復陽庵碑記 歲進士郡人王特晉撰 康熙四

十九年

重修接引佛殿碑記 郡人知縣唐麟撰 道光二十

三年

諸刹榜聯

睡佛殿

與白雲遊

知州周華林

道悟三乘豈是夢遊南海 丹成九轉何妨高卧東山

前人

呂祖亭

路接蓬萊 祥真子

黃鶴溪頭留聖蹟 玉清宮裏妙元機 雅灘鄧家齋

第一山門

盤龍古寺 知州廖修明

孤鶴望空山以外都無仙境 五龍盤古寺此中別有

洞天 訓導王善量

華嚴閣

佛谷雲深 邑貢生王鉉

接引佛殿

香國莊嚴 知州劉安科

盤龍山紀要 卷一

對此碧海青山常教俗塵消萬斛 相借慈雲法雨送

將膏澤下諸天 知州舒運甫

第二山門

在此山中 開旭

彌勒韋馱龕

科頭跣足一切俗緣俱解脫

虛空 無名氏

遠鎮名山不外將軍本色 曠清梵宇常存佛子初心

無名氏

盤龍寺

瑤光普福 邑人山東濟南府知府張鵬昇

妙莊嚴共仰慈尊若是實相非相 大般若常行智慧

當以無門為門 擔當

移龍窟以建龍宮香座經壇千古盤龍如故 傍象山

而開象教慈雲法雨一天氣象美觀大坦萬姓苦海寺

祖師殿

个中合有人問往古來今誰破 活處元無佛任眉橫

鼻直俱非 擔當

這個骨堆為怕死的猛然見了皆道活 一團執鐵在

咬破者即時嘔却豈容吞 前人

盤龍山紀要 卷一

象教七百年四闕滄桑偶爾形骸蛻泥滓 龍潭一勺

水萬家沾漑至今黎庶起瘡痍 舒運昌

綠陰一徑入空門岩竹溪花到處都留禪意 丹嶂千

年藏古塔雲龍風虎至今同護幽棲 劉安科

三十載道岸誕登成佛在人先師真才子 六百年劫

灰莫問大乘無我相塔是初禪 昆明李坤

虎伏龍降知道力 鳶飛魚躍現禪機 喻文元

紫金臺

大地山河眼前一齊盡化 海潮風雨天外幾度聞來

李憲章

玉皇閣

何處覓清虛  
瞻鳳閣頭  
爛開碧落棟  
插丹霄  
高矣九重  
無上地  
於斯是  
廣穆看龍窟  
外仗擁青山  
班環綠水  
堂哉一座大羅天  
失名

元和宮

欽若昊天  
段經

風雷在手  
河陽段琦

元武維揚  
北極天文輝  
望鶴  
段琦下佚

藥師殿

妙願難量  
邑人段珊

盤龍山紀要  
卷一

九

瑞靄香城  
昆明陸樹堂

佛谷長春  
僧正密相

萬松寺

光耀元燈  
知州陳梅

般若堂中集  
千眾僧纒成法會  
旃檀座上離一切相

方見如來  
擔當

盤龍山紀要卷二

古滇池方秉孝行先輯

明古今體詩

王宗

字守約邑人正統戊午舉人先生於五龍山下梅花谷創建梅谷書院聚弟子講學其中

成就甚眾後卒於太學著有一菴集草庭吟行世

萬松寺

萬松青一色寺創萬松間風靜鳥聲碎雲深僧意閒波

濤喧大壑日月蔽重關蠟屐空階裏徐行印蘚斑

邵

玘邑人正統丁卯舉人官同知

羅漢寺

盤龍山紀要卷二

數載不遊羅漢寺萬松依舊闕岡巒上方樓閣誇新創

下界山川入大觀杖錫僧歸山徑滑聽經龍去墨池乾

銘文誰刻碑亭古謾拂輕塵仔細看

丁

貴

江南金壇人正統間任知州勤慎有才凡學官壇廟修葺一新水旱祈禱即應民謠曰旱

莫忙公行香雨莫惱公請禱

選佛場

聞道西江聖僧出覺路大開講禪律選佛誰知勝選言

得人即把心燈傳何勞辛苦問南岳若悟定慧皆西天

就中規模先入定安習威儀遵馬勝五門精鍊澹忘機

心似沾泥絮不飛閒觀水月自清淨默坐煙霞無事非

於今參透二三語果然幻泡了生死識破前身是隱峰  
石頭路滑從來去

蕭文亮

邑人景泰庚午舉人官訓導

觀音寺

小橋流水老僧家時有人來問法華曲徑疎篁清不俗  
閒階芳草綠無譁片雲自護降龍鉢入寶誰裝駕鹿車  
徐步虛廊看畫壁不知屐齒映苔花

萬松寺

十年不到此經過塵鞅羈人柰若何臺殿還如前日好  
松杉秀比舊時多閑房寂寂門常鎖幽谷關關鳥自歌

盤龍山紀要

卷二

二

步入龍華曲徑處數聲輕磬繞煙蘿

朱克瀛

字孔淵號清菴邑人景泰癸酉舉人任定州訓導辭歸養母自幼穎異博學能文尤工詩著有清菴集行世

遊盤龍具足禪院

晨興入翠微石磴縈紆上逢危應恐墮遇勝輒成賞啟  
窗悅虛明開軒坐閒厰青山相拱揖白雲互來往花砌  
足幽香松濤饒逸響嗟我絆浮名勞勞恆俯仰

凌克温

邑人天順己卯舉人官湖廣歸州知州

遊盤龍寺

爲愛名山上翠微萬松深處叩禪扉花開古砌春常在